



**R. P. Ioannis De Lvgo Hispalensis, E Societate Iesv, In
Collegio Romano eiusdem Societ. olim Theologiæ
Professoris, nunc S. R. E. Cardinalis, Disputationes
Scholasticæ, Et Morales, De Sacramentis in ...**

Lugo, Juan de

Lugduni, 1652

Lectori Benevolo

[urn:nbn:de:hbz:466:1-82340](https://nbn-resolving.org/urn:nbn:de:hbz:466:1-82340)

LECTORI BENEVOLO.

TAMETSI nec ignarum arbitror, nec immemorem consilij mei ex iis, quæ in priori volumine præfatus sum, LECTOR AMICE; paucis tamen hic non abs re monendus mihi eris. Liberaturus venio ex parte fidem, quam obstrinxeram. Cogitaueram complecti volumine uno quæ cum ad Sacramenta in genere, tum ad Eucharistiam, & Pœnitentiam spectabant: mutanda mihi sententia fuit, & tractatio tota de Pœnitentia in totum tertium reuocando, tum ne mole ipsa plus iusto excrecente, pretio simal, & pondere grauior fortasse liber euaderet: tum quia festinandum amici eo mihi nomine suaserant; quod ex scriptis meis non pauci Scriptores aliqui, Autore nullo indicato, præpropèram in locum proferunt. Quum tamen minimè ego iniuriam, sed gratiam interpretor non vulgarem: parum enim inter est, an me ab ipsis probari videam, an mea. Ceterùm quia Gratias tres apud Veteres habitas memini in veneratione, Gratiam adhuc duplicem ab iis Scriptoris post priorem illam enixè contendo. Alteram, ut si quid fortè ipsis ex manuscriptis nostris pro sua benignitate arripserit; non dedignentur Autorem, tacito saltem (si ita lubet) nomine prodere: ne fortè quando eadem postea vulgantar à nobis, egomet voluisse videar mihi adscribere conceptam, & prolem aliene mentis, disimulato verò nomine Genitoris: hac quippe similitudine vitur Basilius, Discendum est (inquit) citra pudorem, & docendum citra inuidiam. Et, si quid ab altero edocti sumus, id ipsum occultandum non est. Velut improbæ mulieres spurios partus subiiciunt. Sed dicti Parens cum gratitudine præducetur. Noui, quàm sit ingenuo viro dignum, si absque mendacio Platonium illud usurpare possit: Neque apud Auditores vnquam vendico mihi aliorum inuenta, sed docentem laudibus semper extollo, illique apud omnes quæ sua sunt, tribuo. Tertiam demique rogo Gratiam huic non absimilem. Si quid eisdem in scriptis ipsis non placet, (displicebunt quippe multa) refellant vtrique, sed amicè, sed sine probri, sine conuictis, sine indignatione: quorsum enim hæc, nisi ut ex Bernardi sententia, corrosiores esse conuincamur, non correctores, quia morderè, quàm emendare maluimus? Non ideo sum ingenio indocili, ut egeam his fustibus, & plagis ad mutandam mentem in melius. Facile credam errasse me, si error mihi argumenti magis luce, quàm cruce, & verberibus proponatur. Volo, ut ex Ambrosij lege disceptatio sine ira, suauitas sine amaritudine sit, monitio sine asperitate. Si impetraro, gratiam illis debebo: si minus par pãri non referam, nec extorquebunt vnquam, ut respondeam idiomate isto, quod à Patribus non didici; nec præscis Theologis; & nos (ut Apostolus monet) talem consuetudinem non habemus, neque Ecclesia Dei: multo minus Theologica palæstra hoc est, Schola totius Charitatis, & modestiæ. Damus itaque nunc tibi Tractatum de Sacramentis in genere; de Sacrosancta Eucharistia, & Missæ Sacrificio; postmodum daturi integrum tractatum de pœnitentiæ virtute, ac Sacramento, quem præ manibus iam habemus. In utroque reliquimus magna ex parte, quæ ad controuersias cum hæreticis spectabant; quæ quidem Scholasticis Professoribus iam diu abriperunt sibi; qui eiusmodi controuersias ex professore tractare consueverunt. Morales quæstiones non ita facile dimittendas putauimus: tum quia hoc seculo magis sapiunt lectoribus, quàm ad mores pertinent: tum quia ad Scholasticum planè Theologum spectat aperire fontes, & trutinare pòdera rationum, ex quibus Moralis doctrina coherenter, ac suis magis, quàm alienis librata ponderibus deducatur. Quæ ad reliqua Sacramenta pertinent, videntur omnino esse extra Scholasticos terminos: si quid tamen in illis controuersum est, quod Scholastico examine indigeat, in his ipsis tractatibus non desiderabitur. Vale: & si quid boni inueneris, frueri feliciter: si peccatum in multis, corrigere humaniter.

Epist. quæ
est inter
epist. Liban-
tij:
Platō in
Hippiā
minori.

Epist. 8.
lib. 1. Of-
fic. c. 22.

1. Cor. 12.